

913.135
6067
9
志孝友

志孝友

志卓行

郝瑾監生幼孤事母孝母疾得方士女金丹服之而愈
因以其藥濟世嘗置產爲族人昏葬費及里士赴試者
卷金

李超能知縣芬父也喪妻不再娶母目老而盲日負之
出入庭戶曲盡孝思

錢懋齡原名簡字敬以嘉慶戊午舉人性孝友嘗爲季
弟償逋負數百緡兄女少孤撫育而擇壻嫁之如己女
叔父官廣文老而失明罷官後僦屋以居月奉之薪米
授從弟以經從兄卒迎寡嫂及遺孤育於家凡地方建
義學設卷金周貧卹嫠掩骼諸善舉皆懋齡倡之年五

志卓行

志孝友

志孝友

十四卒

林萃文字實齋縣學生以年八十餘應試

恩賜舉

人生平耿介自守不妄交游家貧授徒門下多知名士
老困場屋雖耄已及而篤學不衰

文聯甲父患疽以舌吮之毒解而愈母老苦足寒當寢
時抱母足熨之以身俟其暖及母卒茹素三年鄉里稱
孝子

竇調鼎縣學生天性孝友善事父母其兄亦縣學生誨
之甚嚴調鼎跪受教無違父卒母年且老病肺夜不能
眠調鼎嘗在母側服勞不倦家在板橋驛以貧故授徒

志孝友

志孝友

志孝友

城中每日五鼓即辭母入城課畢仍歸省母往還八十餘里雖陰雨風雪無間恐母望之也一第蚤逝教其子成立年九十無疾終

李元盛性醅樸父患腹疾顛天請代疾旋瘳母李病目每晨跪舐之目復明

陳德溥監生父病脾洩歷諸醫不獲效乃自學醫治良愈後父復病潛割右股肉進病少已越數日竟卒德溥哀號不能食股創痛裂匍匐營葬事死而甦者數矣既成葬業醫養母以終

李朝臣父官永固協副將有第五人皆隨宦獨朝臣留

志孝友

志孝友

侍母凡母所需必躬親不假婢僕隣里以蔬果相貽母未食不敢食聞父病往省之中途值其柩歸一慟幾絕母亦繼卒每祭祀屏息待事如父母生時忌日則變服茹素母病篤時戒之曰必無祈禳朝臣泣受命已而諸第皆請析不聽後朝臣他出數日歸則已析矣朝臣痛哭於墓而受其所棄者終身無怨色

李世藩五歲喪父侍母疾朝夕不忍離便旋皆手自滌濯之母年七十足不能踐地世藩躬負之出入七年如一日

王述禹蚤喪父母依於其兄紹禹比長識大義事紹禹

無異所生紹禹病篤寢食俱廢既卒喪葬以禮鄉人稱其悌

右 國朝卓行三十三人附見六人

總卓行五十九人附見八人

Blank manuscript page with vertical lines.

黎獻志第十一上之下

忠義

程坤明武進士科目未詳天啟初官四川總兵中軍守備適奢崇明安邦彥之亂西路梗絕坤率兵赴援至畢節城陷被執不屈死之月餘精英屢見時聞陰風中有爲厲鬼殺賊之語

周嘉映字伏龍以武舉權霑平守備時奢安之亂發兵援蜀嘉映知霑益諸彝多異志乃以密書告變謂蘭州之患遠在千里霑益之變近在目前宜密爲之備語洩諸彝恨之天啟二年四月從參將尹啟易督兵討安效

良軍潰死之

余士泰天啟甲子舉人任石阡府推官上計次襄陽值張獻忠之亂城陷死之 國朝賜諡節愍

劉惟馨天啟丁卯舉人知鄜州適流寇圍城率衆拒守城陷罵賊死之 國朝賜諡節愍

虞引崇禎間官濟南府同知十一年戊寅守東北城城陷赴火死

陳爰詢崇禎庚辰歲貢生官南溪訓導時流寇亂蜀爰詢力陳防禦之策巡撫陳士奇賞之檄權知屏山縣及賊寇馬湖爰詢走烏蒙乞兵復其城以功擢叙州府推

官復出資募士軍聲大振亡何叙州失守馬湖復陷爰
詢誓死破賊行至中途心忽大痛厲聲曰吾生不能滅
賊矣死將訴上帝陰擊之語未竟墮馬卒

林啟俊字柱伯崇禎癸酉武舉授僉書管黔國公沐天
波旗鼓十七年甲申張獻忠陷蜀雲南震恐天波使參
將李大贇率兵屯會川啟俊屯霑益以防流寇既而元
謀土酋吾必奎反陷武定祿勸楚雄諸府縣天波乃檄官
土軍等入援以啟俊統其師會大贇剿平之師還而安
南土酋沙定洲始至留屯會城不肯歸啟俊憂其叵測
詣于錫朋曰定洲兵強多詭譎恐有變宜以兵伏第左

通志爰謀
作易門人
載宦績

石備不虞錫朋已受定洲賂不聽未幾難作乙酉十二
月朔也當是時變起倉卒左右陰結定洲者皆觀望定
洲解衣露甲抽佩刀率衆排闥入天波參隨司慎力拒
之被刃洞胸死啟俊僅以親兵數十猶巷戰殺金盛賊
首一人餘賊十數人賊不能遽入及府門火天波乃由
小竇出將走楚雄典大西門防守事陳大經叩馬諫曰
尙有日月營兵在殺賊不勝行未晚也錫朋以目視天
波天波疑見誘抽刀殺之遂行定洲既陷昆明脅致仕
廣西太平府知府陳爰謀欲用之不屈死天波母陳氏
妻焦氏皆自焚既天波裨將徐高遷募兵討賊人無鬪

志亦舉家閉戶自焚死之時復有向六馬老三者陰約
敢死士十人書報國字爲識將以圖賊不克俱被害踰
二年丁亥獻忠死餘黨孫可望等入滇稱爲焦夫人復
讐定洲乃遁走臨安明年戊子八月始爲李定國兵所
敗與其妻萬氏皆就擒磔於市方定洲之遁也縣人疾
前從賊者指以爲沙黨立梃死不問得啟俊區別全活
甚衆執阮韻嘉張國用袁士宏等送黔國誅之比天波
奉永明王由根西行啟俊皆從行益遠諸從沐氏者多
亡去惟啟俊與朱縉兩人始終不移天波泣曰汝二人
從我患難中二十餘年我重臣殉國固宜如汝二人何

解所佩黃金合分贈之命其去啟俊伏地拜哭從行益
堅縉後被獲啟俊從入緬與天波同死木城慎大經爰
謀高遷及向六馬老三皆縣人大經字爾至少慷慨有
才略善騎射兩舉武科嘗曰大丈夫當建功績於世何
碌碌牖下爲益揣摩兵家言爲黔國所重多延與計事
動中機宜及死聞者莫不流涕追我 朝乾隆間

純皇帝軫念遺忠廕陳爰謀元孫定國恩騎尉世職當
天波出走時有伍傑者亦與定洲力戰死乾隆間縣人
孫髯作伍義士詩紀其事

蔣之彥縣學生孫可望入滇聞其才羅致之之彥與家

人訣曰我往必無生理宜收我骨葬先塋側及見可望
强署以官不受罵賊死之於時有孔師陳者以從軍得
官可望入滇糾合晉甯呈貢諸州縣兵拒賊後泛舟滇
池不知所終

溫如孔崇禎戊辰武進士善騎射官貴州鎮西衛守備苗
民叛亂官軍久駐無功如孔率健卒勦之累擢貴陽副
將沙酋之變提兵援滇於盤江相持十月後流寇據城
義不見賊隱居深山以終

王來儀字仲威知藤縣希堯子萬厯庚子舉人由吳縣
教諭厯應州知州性耿介與上官不合歸丁亥流寇入

真罵賊而死 國朝賜諡節愍

劉撫崇禎癸酉舉人官戶部主事李自成陷京師被執不屈三木橫加折一足未死歸里後流寇招之授以督學撫曰京師不死已無面目見先帝豈復爲賊官邪大罵而死 國朝賜諡節愍

劉昌應武進士科目未詳累官參將流寇入滇倡起義兵與賊戰被執不屈罵賊而死 國朝賜諡節愍

楊永言崇禎癸未進士知崑山縣嚴明有治聲流賊破城巷戰而死 國朝賜諡烈愍於時闔門自焚者有縣學生施于京與家自縊者有嚴賓賓佃人楊思義亦與

其妻陳氏投井死

楊樹烈知南川縣致仕歸值流寇潰兵屠掠舉家倉皇
奔避樹烈獨置香案著衣冠北面再拜自縊死逾月家
人還視面色如生 國朝賜諡節愍並予其六世孫東
山恩騎尉世職

郭封歲貢生官楚雄訓導沙酋之變與參議楊畏知首
倡大義建策守城時賊攻楚雄其妻葛氏曰我先死無
致君累庶可盡心爲國遂投井死及孫可望入滇封毅
然返會城陳說大義可望釋之去至楚雄奉畏知檄調
各府兵畏知及可望戰於獅子口兵敗封孤守大理可

望兵大至不屈死之

單武襄貢生歲戊戌流寇兵潰合家舉火自焚死書於
戶曰一門完節時有楊瑄者率鄉人擊流寇西門外死
焉今楊瑄坡是也

薛大觀字爾望歲己亥永明王由棖走緬甸大觀太息
曰不能背城戰君臣同死社稷顧欲走蠻邦以苟活不
重可羞邪顧子之翰曰吾不惜七尺軀爲天下明大義
汝其勉之之翰曰大人死忠兒當死孝大觀曰汝有母
在時其母在旁謂之翰妻曰彼父子能死忠孝吾兩人
獨不能死節義邪其侍女方抱幼子問曰主人死何以